



كمتريڤ كبودايان بليادان سوكن
KEMENTERIAN KEBUDAYAAN, BELIA DAN SUKAN
NEGARA BRUNEI DARUSSALAM



Garis Panduan Bagi Kesiediaan Operasi Tahap 3 Padang Golf

Kementerian Kebudayaan, Belia Dan Sukan

6 Julai 2020

GARIS PANDUAN BAGI KESEDIAAN OPERASI TAHAP 3 : PADANG GOLF

Merujuk kepada Kenyataan Media Kementerian Kebudayaan, Belia dan Sukan bertarikh 01 Julai 2020 mengenai pelaksanaan pelan de-escalation tahap ketiga bagi gym dan fitness centres; fasiliti sukan tertutup (*Indoor*); fasiliti sukan luar (*Outdoor*) dan Padang Golf. Bermula pada hari **Isnin, 14 Zulkaedah 1441 bersamaan 06 Julai 2020**, di bawah **de-escalation tahap ketiga**, syarat-syarat dan garis panduan bagi Padang Golf dikemaskinikan seperti berikut:

1. Dibukakan kepada **ahli yang berdaftar dan bukan berdaftar**;
2. **Dibenarkan kepada 4 pemain** dalam satu *flight*;
3. **Kenderaan *Buggy* masih dikekalkan iaitu hanya boleh menampung seorang pengguna** pada satu masa;
4. *Clubhouse* restaurant / cafeteria dibenarkan untuk beroperasi pada kadar **kapasiti 90% dalam satu masa mengikut ruang kapasiti *Clubhouse* restaurant / cafeteria** berkenaan;
5. Kemudahan ***locker room* dan tempat mandi** adalah dibuka;
6. **Syarat dan garis panduan lain adalah dikekalkan** seperti sebelumnya.

Perincian lanjut digariskan dalam Lampiran A.

Penggunaan setiap kelab dan fasiliti hendaklah mematuhi peraturan kerajaan. Bagi persediaan operasi tahap 3, langkah-langkah berikut hendaklah dilaksanakan.

1. TANGGUNGJAWAB KELAB DIBAHAGIKAN KEPADA TIGA ASPEK: GARIS PANDUAN UMUM, TEMPAHAN DAN PERATURAN *CLUBHOUSE*

a. Garis Panduan Umum.

- (1) Padang Golf dibenarkan beroperasi;
- (2) *Clubhouse* restaurant / cafeteria dibenarkan untuk beroperasi pada kadar **kapasiti 90% dalam satu masa mengikut ruang kapasiti *Clubhouse* restaurant / cafeteria** berkenaan;
- (3) Melaksanakan pemeriksaan suhu badan dan menyediakan sanitasi di pintu masuk dan di tempat yang bersesuaian di seluruh Padang Golf;
- (4) Membuat pendaftaran dan rekod yang sesuai di pintu masuk bagi tujuan pengesanan kontak, jika diperlukan. (Setiap kelab perlu mendaftar melalui aplikasi *Bruhealth* di laman sesawang www.healthinfo.gov.bn/register untuk penjaan QR code bagi pendaftaran pemain);
- (5) Padang Golf **dibukakan untuk ahli yang berdaftar dan bukan berdaftar**, dan dikehendaki untuk membuat tempahan bermain lebih awal;
- (6) **Dibenarkan bermain 4 pemain** dalam satu *flight*. Pemain tunggal juga dibenarkan dan digalakkan;
- (7) **Sebuah *buggy* untuk seorang** pemain atau mereka boleh berjalan di laluan padang dengan menarik troli sendiri;
- (8) Kemudahan ***locker room Clubhouse* dan tempat mandi** adalah dibenarkan;
- (9) Individu yang mengalami simptom dan berisiko tinggi tidak dibenarkan untuk bermain;
- (10) Menjaga penjarakan fizikal sekurang-kurangnya 2 meter pada setiap masa;
- (11) Mengelakkan sebarang kontak fizikal;
- (12) Pemain hendaklah membawa peralatan, tuala dan botol air sendiri;
- (13) Menjaga kebersihan diri sepanjang masa;

- (14) Papan tanda dan poster langkah-langkah pencegahan COVID-19 hendaklah dipaparkan;
- (15) Untuk maklumat lanjut mengenai COVID-19, orang ramai bolehlah menghubungi Talian Nasihat Kesihatan 148.

b. Tempahan.

- (1) Kelab dan fasiliti hendaklah menyelenggara sistem tempahan dan memperuntukkan *tee time* bagi memastikan keselamatan kakitangan dan pemain golf;
- (2) Jumlah maksimum bagi pemain golf pada setiap *tee time* hendaklah mengikut peraturan bagi **empat (4) pemain bagi satu flight**;
- (3) Jarak masa minima di antara *tee time* adalah 10 minit, tetapi jika jarak masa yang lebih lama diperlukan, ianya adalah tertakluk kepada pihak kelab atau fasiliti tersebut.

c. Peraturan Clubhouse.

- (1) Jumlah maksimum pengguna hendaklah ditentukan oleh pihak *Clubhouse* restaurant / kafeteria dan mestilah mengikut peraturan yang ditetapkan bahawa had untuk beroperasi adalah pada **kapasiti 90%** dalam satu masa **mengikut ruang kapasiti Clubhouse** restaurant / kafeteria berkenaan;
- (2) Tandas perlu disanitasi setiap masa;
- (3) Pihak kelab atau fasiliti hendaklah sentiasa mengingatkan pemain mengenai keperluan penjarakan sosial semasa mereka tiba di kelab atau fasiliti dan selepas selesai bermain;
- (4) Pihak kelab atau fasiliti hendaklah menyediakan prosedur bagi memastikan keperluan penjarakan sosial dipatuhi di bangunan pelepas sebelum pemain memulakan permainan;
- (5) Jumlah pembantu *clubhouse* adalah dihadkan untuk *starters* dan *buggy operators* sahaja. Mereka tidak dibenarkan untuk menyentuh atau mengangkat beg pemain. Sebaik sahaja pemain tiba di tempat letak kereta *clubhouse*, mereka hendaklah mengambil *buggy* yang telah ditentukan, memandunya ke kereta mereka masing-masing untuk mengambil beg golf mereka dan bersedia untuk bermain pada jarak yang selamat dengan pemain yang lain;
- (6) Semua pembantu *clubhouse* hendaklah menggunakan topeng muka dan sarung tangan apabila mendapatkan semula *buggy* yang ditinggalkan di tempat letak kereta;
- (7) *Buggy* hendaklah disanitasi oleh pihak *clubhouse*, Pemain digalakkan untuk membawa *disinfectant* mereka sendiri sebagai perlindungan;

- (8) Troli, kart atau barang lain tidak boleh disewakan kecuali jika amalan sanitasi dilaksanakan terlebih dahulu.

2. TANGGUNGJAWAB PEMAIN GOLF

a. Pendaftaran.

- (1) Pemain golf hendaklah mengimbas QR code kelab golf dan fasiliti dan *Clubhouse* kafeteria atau restaurant sebaik sahaja ketika tiba dan selesai bermain bagi tujuan pengesanan kontak jika diperlukan.

b. Hal-hal yang berkaitan dengan golf.

- (1) Pemain golf hendaklah memastikan bahawa mereka sentiasa menjaga jarak sekurang-kurangnya 2 meter semasa permainan (kawasan tee, berjalan menuju bola, mencari bola dan semasa memukul bola);
- (2) Pemain golf tidak boleh menyentuh bola yang terbiar;
- (3) Penggunaan rak tidak dibenarkan di atas padang. Pemain golf hendaklah berusaha sendiri untuk melembutkan pasir dengan menggunakan klub atau kaki mereka;
- (4) Pemain golf tidak boleh menyentuh bendera;
- (5) Pin hendaklah tetap berada di tempatnya di atas padang. Lubang boleh ditutup dengan mengangkat penutup ke atas tanah. Mana-mana bola yang terkena penutup atau pin tersebut dianggap masuk lubang;
- (6) Pembersih bola dan pancuran air minum tidak boleh digunakan sehingga suatu masa yang dibenarkan;
- (7) Penjarakan sosial adalah penting dan pemain golf hendaklah meninggalkan padang dan kelab atau fasiliti dengan segera supaya tidak ada perkumpulan di kawasan rumah kelab sehingga waktu yang dimaklumkan kemudian.